

文淵樓叢書

選學膠言

第四冊

選學膠言目錄

卷四

三國疆域

劉淵林注

海若

二江

翠微

龍目

金馬四句爲蜀都未定之本

火井

琥珀江珠

石門

大魏諸州記

黃環

潛洙

雲門陸澤

甲宅

蒟蒻

候雁銜蘆

白鼃命鼃

議殿

諸葛亮姜維皆無治第事

鋸當作縲

釃規

抵

桓譚當作桓麟

金隄

三峽

竭來

杜宇

劉宗

陽九

儷著

潘水

鯀鮐卽河豚

朱稱

爾雅曰嗟

食葛

東風菜

平仲君遷

於菟

餘甘

比景當是北景

八蠶

長洲

吳無宗廟

拚

擇音

麋

比目魚

虢費

館娃宮

揮麾二義

抑吳蜀申魏

膠欺也

儉與險通

神鉦

鹽池

倂

鉤繩

作爲楚宮

齊物論

牟首

漳水灌鄴

天井堰

人臣之堂稱殿

關石和鈞

三屬之甲

洗兵刷馬

遽通渠

餘糧栖畝

石室方言誤石渠

立位同字

房子縣

句脫顯字

干木

權

吳會

矚睜

廣倉

王弼易注

孫男之杲校字

選學膠言卷四

錢唐張雲璈仲雅述

賦

三國疆域 左太沖三都賦

王西泚先生十七史商權云杜佑通典雖言魏有十

二州

十二州謂司隸荆河兗青徐涼秦冀幽并揚雍荆河者禹貢荆河惟豫州本是豫州杜佑避唐

諱改稱

而荆揚正吳地魏不得而有之特緣邊有鎮戍

聊立此名耳杜恕於太和中言有十州蔣濟於景初

中言有十二州二者不同大都一數荆揚一不數荆

揚耳除此二州餘有十州又除自置秦州不數外大

約魏得漢之司隸豫州冀州兗州青州并州六全州
此外三州徐州但得西境涼州但得其東西及北幽
州但得其西南境不全得也蜀得益州一全境及涼
州之南境又自置梁州吳得荊州揚州交州三全州
及徐州之東境又自置廣州其杜佑所言郢州未詳
吳志孫皓降晉後注引晉陽秋云王濬收其圖籍領
州四郡四十三縣三百一十三按領州四者漢舊有
之荆揚交三州及吳自置之廣州是也據此則吳無
郢州且文紀黃初三年以荊州江北諸郡爲郢州旋
復故然則此州乃魏所立且若幽州之東北境則公
旋廢矣不知杜佑何以云云孫氏據之直至景初二年始爲司馬懿所滅

劉淵林注

左思別傳思造張載問岷蜀事交接亦疎皇甫謐西
州高士摯仲治宿儒知名非思倫匹劉淵林衛何輿
並早終皆不爲思賦序注也凡諸注解皆思自爲欲
重其文故假時人名姓也

海若

賦序云張衡賦西京而述以海若雲璈按西京賦海
若遊於元渚乃極言清淵之大將使海若亦來遊於
此也上文神山瀛洲方丈蓬萊皆屬形容之辭非謂
遊於海也太沖譏之似過要之賦不厭侈如吳都之
巨鼇大鵬魏都之遷善罔匱卽太沖亦不免虛誇揚

馬之盧橘玉樹或有所喻非全屬漫然涉筆若必一
一核實恐乏風人之致

二江 蜀都

帶二江之雙流按水經注卷三十三江水又東逕成
都縣縣有二江雙流郡下故揚子雲蜀都賦曰兩江
珥其前者也風俗通云秦昭王使李冰爲蜀守開成
都兩江溉田萬頃寰宇記云今謂之內江外江

翠微

鬱蒼蒼以翠微注翠微山氣之輕縹也雲璈按翠微
不引爾雅釋山未及上翠微之文此淵林之疎也

龍目

旁挺龍目側生荔枝按宋張世南遊宦紀聞云世南游蜀道徧歷四路數十郡周旋凡二十餘年風俗方物靡不質究所謂龍目未嘗見之間有自南中攜到者蜀人皆以爲奇果此外如荔枝橄欖餘甘榕木蜀皆有之但無龍目榧實楊梅三者耳據此則左氏自言驗之方志者亦未爲精核抑或昔有而今無耶

金馬四句爲蜀都未定之本

葉樹藩云金馬騁光而絕景碧雞儵忽而曜儀火井沈熒於幽泉高燭飛煽於天垂左思別傳云思疾病

通學
尚改蜀都賦曰金馬電發於高岡碧雞振翼而雲披
鬼彈飛丸以礮礮火井騰光以赫曦與此異想構思
十年稟經數易茲四句尙是未定本耳雲璈按鬼彈
火井偶對較勝卽上二句使事亦勝今本若如今本
火井二句亦止一事耳

火井

劉昭後漢補注取井火還煮井水一斛得四五斗鹽
家火煮之不過二三斗耳

琥珀江珠

其間則有琥珀丹青江珠瑕英李注引博物志琥珀

一名江珠何氏讀書記云琥珀江珠似非一物江珠之名於義亦無所取也雲璈按賦文琥珀江珠爲對其非一物何疑余蕭客云玉策經松脂千年爲茯苓茯苓千年爲琥珀琥珀千年爲石膽石膽千年爲威善

石門

水經注污水下云褒水又東南歷小石門門穿山通道六丈有餘刻石言漢明帝永平中司隸校尉犍爲楊厥之所開逮桓帝建和二年漢中太平同郡王升嘉厥開鑿之功琢石頌德以爲石牛道來敏本蜀論

通鑑綱目
云秦惠王欲伐蜀而不知道作五石牛以金置尾下
言能屎金蜀王負力令五丁引之成道秦使張儀司
馬錯尋路滅蜀因曰石牛道厥蓋因而廣之矣蜀都
賦曰阻以石門其斯之謂也

大魏諸州記

交讓所植劉淵林注交讓木名兩樹對生一樹枯則
一樹生如是歲更終不俱生俱枯也出岷山在安都
縣雲璈按御覽引此謂見大魏諸州記

黃環

青珠黃環劉注但云黃環出蜀郡不明黃環是何物

沈存中補筆談云黃環卽今之朱藤也天下皆有其
葉如槐其花如穗懸紫色如葛花可食京師人家園
圃中作大架種之謂紫藤花者是也實如阜茨蜀都
賦所謂青珠黃環者黃環卽此花之根也雲璈按上
文云百藥灌叢下云碧柰芒消皆羅列藥名卽青珠
恐亦是藥類無緣中間雜出一朱藤殊非類從之義
且旣言天下皆有注何以止言出蜀郡疑沈說未確
後讀太平御覽九百九十三藥類有黃環引本草經
黃環一名陵泉一名大就味苦生山谷主治蠱毒鬼
魅邪氣欬逆寒熱生蜀郡又引吳氏本草經曰蜀黃

環一名生葛一名韭根神農黃帝岐伯桐君扁鵲辛
一經云味苦有毒二月生初出正赤高二尺葉黃員
端大莖葉有汁黃白五月實員三月採根根黃縱理
如車幅解治蠱毒然則黃環果藥名與沈說全不合
足以證朱藤之非矣沈以環爲鑲亦小異

潛洙

胡東樵禹貢錐指云左思蜀都賦演以潛洙劉逵注
潛水與郭璞注爾雅同其於洙水則曰水出岷山之
西東流過漢嘉南流有高山上合下開水經其中曰
洙水水潛行曰演此二水伏流故曰演以潛洙斯言

可證潛之爲伏流其出龍門石穴與沫水出蒙山下之狀相似二水原委秩然劉昭於犍爲武陽下引蜀都賦注以爲潛水從縣南流漢嘉縣入大穴中大謬

雲門陸澤

指渠口以爲雲門灑瀉池而爲陸澤李注引康成周禮注曰黃帝樂曰雲門言黃帝之樂如雲之出門也然此惟取雲門之名不取樂也雲敷按此用雲門卽史記白渠歌舉插爲雲決渠爲雨之意如詩之斷章故李氏以爲不取樂也杜少陵詩白帝城中雲出門亦用此注意非周禮注之雲出門也陸澤劉注引蔡